

q̄ dit l'apostre. Couoïtise est racine de tous maulx et le couoïteux ne peult riens iugier fors que en la fin que sa couoïtise soit acomplie qui acomplir ne se peult. Car tant comme plus ha le couoïteux et plus desire haouir. Apres necessairemēt tu dois oster de toy bastiueite. Car tu ne dois pas iugier pour le meilleur ce que tantost te viendra au deuant ains y dois penser souuent. Car selon ce q̄ tu as ouy dire dessus lon dit communement. Qui tost iuge tost se repent. Tu nes pas toutes heures en vne meisme disposicion, ains trouueras que ce que aulcunefoys te semblera bon et prouffitable de faire a lautre te semblera bō de laiffier.

Quant tu auras pris conseil a toy meismes et auras iugie a grant deliberacion ce que mieulx te vault selon ton semblant tien le secret et le garde bien de reueler a nulle personne se tu ne cuides que en ce reuelant tu feras ta condicion meilleur que le celer ne te portera de prouffit. Car Iesufirac dit. A tes amys ne a tes enemys ne racontes point tō secret et ta folie car ilz te oront et regarderōt et deffenderōt en ta presence et par derriere se moquerōt de toy. Et vng aultre dit. A peine trouueras tu personne qui puisse seulement biē celer vng secret. Et pierre alphinis dit. Tant comme ton secret est en ton cueur tu le tiēs en ta prison et quant tu le reueles il te tient en la sienne. Et pource il te vault mieulx taire et tō secret celer que prier celuy a qui tu le reueles q̄ le tienne cele. Car seneque dit. Se tu ne te peuls taire et ton secret celer comme peuls tu croire vng aultre le celer.

S et tu cuides que reueler ton secret a aultre que a toy et haouir cōseil que tu dois faire face ta condiciō meilleur lors si te portes en tel guise. Premieremēt tu ne dois pas faire semblant quelle partie tu veulx tenir ne leur mōstrer ta voulēte. Car communemēt tous conseillers sont losengiers especialmēt ceulx qui sont du conseil des grās seigneurs. Car ilz sefforcēt plus de dire chose plaisant que prouffitable. Et pource riche hōs naura ia bō conseil se il ne la de soy meismes. Apres tu dois considerer tes amis et tes ennemis. Entre tes amis tu dois considerer les plus loyaux les plus sages et les plus anciēs et les plus esprouuez en conseil et a ceulx tu dois cōseil demander. Premieremēt doncqs tu dois appeller a tō cōseil tes bōs et tes loyaux amis. Car salomon dit. Ainsi cōme le cueur se delite en odeur cōseil de bōs amis fait a lame douceur. Et dit aussi. A lamy loyal nulle chose ne se compere. Car ne or ne argēt ne sont tant dignes comme la voulēte de loyal amy. Et dit encores